

## 2 JON

### Jon pepa muno namba 2 boglkwa Ka mongo yegl ende okuna ongwa

Pepa muno i Jon boglkwa. Ye pepa muno 1 bogl kondo ana enge sungagle ta mogltre ana pepa namba 2 i boglkwa. Yomba tau pirkwa buglayungu A.D. 90 mina pepa i boglkwa.

Ka mem kande kaima yegl pangwa: God yombama wagle angro ta wakai kanimbi yomba wakai kangwa mambuno i God lomo dumere erikwa. Te Jon eremogl Yesus God Wam mogl te God ya yomba akiye moglme dungwa. Yomba tau eremogl Yesus i yomba nangiye ta paikrume dingwa, ana God yombamo wagle ene iyungugl endekriyo.

#### *Jon pepa muno namba 2 boglkwa*

<sup>1</sup> Yaglkande kongunmo mina na ende okuna einga, na pepa muno i bogl ambu ene God pinde yungwa ya te nangitnma wagle akiye teinga.\* Na ka kaima mina ene pre munduna pangwa. Te na keme tamanga, ba ka kaima pirkwa yomba kindaginde ye ene pre ama munduno pangwa.

---

\* **1:1:** Yomba tau pirkwa pepa muno i bogl ambu ta tome dingwa. Te tau pirkwa “ambu” iwe kamambuno pirkwa yungu ombuno i nangigima bogl, ana yagl ambu yungu ombuno igle meglkwa. Yegl eran ye yungu ombuno suwarata meglmbi, ana epigl 13 mina ye ama yungu ombuno suwara moraglkwa.

<sup>2</sup> Sraglpre, ka kaima i nono mina suna pangwa i nono mina aimande yene paimorambuka.

<sup>3</sup> Nono ka kaima dinamunara ya te yomba kanwakai yenamnara i ana God Neno ya Yesus Kraiis God Wam, ye wakaimo ya mitno goglkwa ya te nomane pokndungwa i nono mina panambuka.

### *Ka kaima ya yomba kanwakai yeinamga*

<sup>4</sup> Ene nangitnma wagle tau God Neno kamo kaima mina pinande eremeglkwa, i Neno God yegl eriyoy dumere ikra erikwa pre na pirtre gun pond yeinga. <sup>5</sup> Ambu ya, na erme lo kor ta bogl ene tekrika, okuna mambuno ere lo ta dinerko pirkondunga ikra na kordagl krapoglkwa: Nono yomba kanwakai yeinamga. <sup>6</sup> Ana wakai kanamnara igle mina ye lomo dumere mere pinande ounge. Okuna imbo ye lomo i ene yegl pirkwa: Ene yomba kanwakai yei wanmoraglkwa.

### *Yesus Kraiis kamo akegidi i-wan moramga*

<sup>7</sup> Ka kimbi dingwa yomba merkinde endpi makan koglkoglo eingwa. Ye eremogl Yesus Kraiis, yomba nangiye pango ungwawa i ende ikine unambuka i ye ta dipene endekrikwa. Yomba koyeglmere kakimbi dindre ana Yesus Kraiis kundamo ikine meglkwa.† <sup>8</sup> Ene taragl inamunedi pre kongunmo erikwa ikra wau bogl dinambedi sugl wakai mogltre ana topomo i boglkango ene prapra inaglkwa. <sup>9</sup> Yomba ta Yesus Kraiis kamo beke teingwa i ta akegidi moglkre ana pugloni endpi ka ta mina enan ana God yombamo i mina ta mogl tekrukwa. Te yomba ta Yesus Kraiis kamo

---

† **1:7:** 1 Jon 4:2 ka pangwa i kanamga.

beke tengwa i akegidi moran ana Nem ya Wam akiye ye mina moglkwa. <sup>10</sup> Ana yomba ta ene meglmara undre ka beke tomga i ta ditekran ana ene diwakai yeitekere te ye iyungugl endekriyo. <sup>11</sup> Yomba ta eremogl yomba koyeglmere ta diwakai yembi ana mambunomo kinde ormere ikra ye wu suwara pi akeple dungwa.

*Ka di uglo yongwa*

<sup>12</sup> Na ka tau merkinde pangwa ene ditenagledi pirka, ba ka i pepa mina bora kiurika. Na ende ene meglmara wimbo ana nono gumano kandre ka di pirpir oun ana nono gun pond yeinamga.

<sup>13</sup> Eneambutn God pinde i-pere endungwa ikra ye nangiglma wagle ene diwakai yeitemiwo.‡

---

‡ **1:13:** 2 Jon 1:1 ka pangwa i kanamga.

**YESUS KAMO WAKAI**  
**The New Testament in the Kuman Language of Papua**  
**New Guinea**  
**Nupela Testamen long tokples Kuman long Niugini**

Copyright © 2008 The Bible Society of Papua New Guinea

© Faith Comes by Hearing

Language: Kuman

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-26

---

PDF generated using Haiola and XeLaTeX on 21 Feb 2024 from source files dated 31 Aug 2023

a58bffa6-7d79-5e34-b795-3b3ccc3f5137